

# Qui bona chansso cossira

*Bdt* 406,35

Mss.: **C** 85, **R** 86.

Metrica: a7?, b7?, c7?, d7?, e7?, f7?, g7?, h7?. Cinque *coblas doblas* di otto versi e una *tornada* di quattro versi.

Rime: I. e II.: a, c, f, g: -ira; b, d, e, h: -aire; III. e IV.: a, c, f, g: -era; b, d, e, h: -ura; V.: a, c, f, g: -atge; b, d, e, h: -anha.

Edizioni precedenti: Kolsen, 1937a, p. 310, Topsfield, 1971, p.75.

- letto 695 volte

## Edizioni

- letto 478 volte

## Topsfield

I.  
Qui bona chansso cossira  
non deu tarzar del retraire,  
mas ieu, las, que sui ples d?ira,  
cum la poirai bona faire?  
Pero no m?es a vejaire,  
si tot joys d?amor me tira,  
c?om qu?el mieu pensat s?albira,  
fes avol son ni mot vaire.

II.  
Quar ben conosc qu?ieu falhira,  
ges enqueras non a guaire,  
que mon bon esper mentira  
tant era fals e trichaire;  
mas eras me sen peccaire  
per joy d?amor que m?espira,  
que d?enjan a far se vira  
mos cors, e sui fis amaire.

III.

Per un joy que m'alezera  
estau en bon'aventura;  
e quar a totz jorns esmera  
la belh' on mos cors s'atura,  
e si tot me desmezura,  
ges de lieys no parc m'espera;  
ans combat ab queirs de cera  
bastimens de peira dura.

#### IV.

Tant es bona, fin' e vera,  
franc' e de gentil natura  
que Dieus, quan lieys fe, no fera  
mais tam belha creatura,  
ni no·n fa d'aital figura,  
ni tan no s'i alezera;  
quar la nued, on pus s'asera,  
resplandis la cambr' escura.

#### V.

Manhtas vetz ai en pessatge,  
tan m'es de belha companha,  
qu'ieu li disses mon coratge,  
tro que m'albir que remanha,  
quar tem qu'elha·m fos estranha  
e que doubles mon dampnatge:  
pero s'ieu prec per folhatge,  
ma dona res no·n ganha.

#### VI.

Cabaretz, Dieus me contranha  
si non avetz dous estatge  
e trop pus ric senhoraige  
que l'emperi d'Alamanha.

- letto 497 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/qui-bona-chansso-cossira>